

কৃষি ভাঙ্গিটিতে দুইদল ছাত্রের মধ্যে সংঘর্ষে ৪ জন আহত

ময়মনসিংহ কৃষি বিশ্ববিদ্যালয়, ২৫শে আগস্ট (নিজস্ব সংবাদদাতার টেলিফোন)—পূর্ব ঘটনার জের হিসাবে গতকাল কৃষি বিশ্ববিদ্যালয়ের দুই দল ছাত্রের মধ্যে গুলী বিনিময়, ধাওয়া ও পাল্টা ধাওয়া ঘটনায় ৪ জন আহত হয়। আহতদের মধ্যে গুলীবিক্ষ একজনের অবস্থা গুরুতর। তাহাকে (১১শ পৃঃ টঃ)

কৃষি ভাঙ্গিটিতে সংঘর্ষে
(শেষ পৃঃ পর)

ময়মনসিংহ মেডিক্যাল কলেজ হাসপাতালে ভর্তি করা হইয়াছে। তিনজনকে প্রাথমিক চিকিৎসার পর ছাড়িয়া দেওয়া হইয়াছে। চিকিৎসাধীন আহত হইতেছে বিশ্ববিদ্যালয়ের পঞ্চম বর্ষের ছাত্র মাহমুদুল হক রুমী (২৫)। ধাওয়া পাল্টা ধাওয়ার সময় ১৫টি ককটেল বিস্ফোরিত হয়। অপর একজন আহত বিশ্ববিদ্যালয়ের প্রথম বর্ষের ছাত্র মোঃ জাবিদ। জাবিদ বহিরাগতদের দা-এর আঘাতে আহত।

জানা গিয়াছে, গত ২৪শে জুন বিশ্ববিদ্যালয়ের ছাত্রলীগের (সু-র) একজন ছাত্র নেতা একদল যুবকের হামলায় আহত হয়। ইহার পর হইতে ছাত্রলীগের কর্মীরা বিশ্ববিদ্যালয়ের ক্যাম্পাসে না থাকিয়া শহরের বিভিন্ন স্থানে অবস্থান করিতে থাকে। গতকাল সকাল ১০টার দিকে ছাত্রলীগের কর্মীরা বিশ্ববিদ্যালয় ক্যাম্পাসে ফিরিয়া আসে এবং বিশ্ববিদ্যালয় অঙ্গমুক্ত করার দাবীতে মিছিল বাহির করে। পরে তাহারা শহীদ সোহরাওয়ার্দী হলে যায়। এদিকে বিকাল পৌনে ৪ টার দিকে ময়মনসিংহ শহর হইতে একটি মিনিবাসভর্তি বহিরাগতসহ ৩০ জন ছাত্র শহীদ শামসুল হক হলে প্রবেশ করে এবং ছাত্রলীগ কর্মীদের খুঁজিতে থাকে। পরে তাহারা শহীদ সোহরাওয়ার্দী হলে যায় এবং হলে প্রবেশের চেষ্টা করে। হলের গেট তালাবদ্ধ থাকায় তাহারা ভিতরে প্রবেশ করিতে না পারিয়া বাহির হইতে ইট-পাটকেল নিক্ষেপ করে ৮ রাউণ্ড গুলী ছোড়ে। এই সময় ১৫টি ককটেল বিস্ফোরিত হয় এবং এ হলের ২০টি কক্ষের ক্ষতি সাধিত হইয়াছে। এই হামলার জবাবে হলের ভিতর হইতেও গুলী ছোড়া হয়। বেশ কিছুক্ষণ দুই দলের মধ্যে গুলী বিনিময় চলিতে থাকে।

এই ঘটনা পাইয়া শহর হইতে লোকজন ভতি আরও দুইটি মিনিবাস ঘটনাস্থলে আসে। রাত্রি ৮টার দিকে সোহরাওয়ার্দী হলে আবার হামলা চালাইবার চেষ্টা করে। এই সময় দা-এর আঘাতে মোঃ জাবিদ আহত হয়। জাবিদ কোন ছাত্র সংগঠনের কর্মী নহে।

রাত্রি ১০ টার দিকে পুলিশ বিশ্ববিদ্যালয় ক্যাম্পাসে প্রবেশ করে এবং হলে হলে টহল দিতে থাকে। ক্যাম্পাসে উত্তেজনা পরিস্থিতি বিরাজ করিতেছে। ছাত্রলীগ কর্মীরা পুনরায় হস্তত্যাগ করিয়াছে। এই ঘটনার প্রেক্ষিতে বিশ্ববিদ্যালয় কর্তৃপক্ষ এক উচ্চ পর্যায়ের বৈঠকের আয়োজন করিয়াছেন।